



1250 onns testament da Tello – commemoraziun

Dumengia, ils 22 da november 2015, allas 17.00, en halla polivalenta.

Program

Beinvegni

Uniun da musica Sagogn dir. Michael Cadruvi	<i>Eidgenossen, marsch</i> <i>In dils bials da tut la Foppa</i>	Kurt Weber Hans Erni, arr. Thomas Rüedi
Chor ad hoc Sagogn dir. Georg Candrian	<i>In dils bials da tut la Foppa</i> <i>Alla patria</i>	Hans Erni, arr. Giusep Tschuor Hans Erni/Flurin Camathias

Referat dr. Martin Bundi: *Il testament da Tello (765)*

sco impurtont document per la historia e cultura da Sagogn avon 1250 onns.

Uniun da musica Sagogn dir. Michael Cadruvi	<i>In siemi</i>	Gion B. Casanova/arr. Thomas Rüedi
Chor ad hoc Sagogn dir. Georg Candrian	<i>Mia vallada</i> <i>Da casa</i>	Conrad Bertogg/Gion Batt. Sialm Tumasch Dolf/Gian Caduff
Musica e chor	<i>La sera sper il lag</i>	Gion B. Casanova/Flurin Camathias
Uniun da giuventetgna	<i>Presentaziun e surdada dil tschep sonor</i>	

Alla fin offerescha la vischnaunca in aperitiv a tuts presents.

Cordial divertiment a tuts ch'ein colligiai cun Sagogn.

Text dallas canzuns

In dils bials da tut la Foppa Hans Erni, arr. Giusep Tschuor

In dils bials da tut la Foppa
ei finfatg il vitg Sagogn.
Sco en tgina ina poppa
dorm'el sper il Rein e Glozn.
Circumdaus da tschiens pumera
che flurescha da smarvegl,
lunsch naven dalla canera,
sa'l semiar el clar sulegl.

Oz denton, oz ha el fiasta,
sc'ina spusa ei'l ornaus.
Las bandieras vid lur asta
frestg sgulatschan sur ils tgaus.
Ellas casas, sillas vias,
dapertut in grond cunfar
per undrar las cumpignias,
per il pievel hospitar.

Cantadurs e cantaduras,
vus surtut seis beinvegni.
Passentei cheu bialas uras,
gudignei cheu il tschupi
cun cantar en harmonia,
cun bravura e vigur.
E lu conta la legria,
cantaduras, cantadur!

Mia vallada Conrad Bertogg/Gion Batt. Sialm

Cu tes uauls stgirverds ramuran,
Surselva, en il vent dil matg.
Cu tes uals dals cuolms murmuran,
chil cor surstat e dat adatg.
Lu va il Rein tras nossa val,
sc'in bab cantond grondius choral.

Cur ch'il sulegl cun glisch purpura
dedesta tei ord dultscha sien.
E betscha spert cun levza pura,
tiu frunt cun vehement talien.
Tgei tarlischar e giubilar,
che fa il chor a mi tremblar.

Glatschers e cuolms en tschiel sestendan,
alzond nos egls cun sogn avis.
Uclauns e vitgs sc'in aur resplendan:
Cheu ei maneivel il parvis.
O biala val, Surselva ti!
Sil mund dat ei negliu pli bi.

Alla patria Hans Erni/Flurin Camathias

Las muntognas dalla patria
vegnan endamen a mi.
Sun vivius leu en letezia
denter pézzas en rudi.
Salidar jeu less tei, Rezia
da lontan cun cant sonor:
Biala patria admirabla,
tei stoi carezar da cor.

Emigraus per in'uriala
seregordel jeu da tei.
Mia patria ault'e biala,
returnar jeu less puspei.
Crestatgiet e genzianas
creschan leu en frestg bi flor:
Biala patria admirabla,
tei stoi carezar da cor.

Dallas alps las stgellas tunan,
muvels van leu pasculond.
Las cascadas clar resunan,
crodan giu dal grep spimond.
Cul pastur giud la muntogna
less tibar cun bien humor:
Biala patria admirabla,
tei stoi carezar da cor.

Da casa Tumasch Dolf/Gian Caduff

Pertut nu'ch'il sulegl salida
cun sia splendor il giuven gi,
nu'che la glina d'aur surprida
tras steilas va en grond rudi:
Sun jeu da casa, sun jeu da casa.

Leu nu'ch'ils zenns sublimes resunan
sur seivs e tetgs digl ault clutger,
leu nu'ch'ils pigns utschals intunan
canzuns mureivlas el pumer,
Sun jeu da casa, sun jeu da casa.

La sera sper il lag Gion B. Casanova/Flurin Camathias

Solemn ruaus, ruaus leu silla riva,
d'umbriva stat il lag curclaus.
Il bi sulegl cun sia glisch tardiva,
davos ils cuolms ei sesbassaus.

E giu da tschiel, da tschiel las steilas biaras
migeivel miran giu el stgir.
Miu cor tgei aunc empiaras,
va era ti tier dultsch durmir.